

COVID-19 – Hamor sehét arde héfazoti malumat hamor zaga ókkol ólla

Hákiki cíth yían é tuáñre modot goríbou tuáñr hamor zaga COVID-19 héfazot banai bélla Oinno [COVID-19 Information in your language](#) ó faaza.

Hamor Sehét arde Héfazoti kaanun ókkol é tuáñre zorurot gorér sehét, héfazot arde tuáñr hamgoróya ókkol ór hairíya ar tuáñr hamor zagat aséde oinno ókkol, éçe tuńí, tuáñr sońijja ókkol, konthrekthar ókkol, gaák ókkol arde ziyarot goróya ókkol cámil asé. Tuáñrtu hámahá sehét arde héfazot or hótara ókkol óre hótom yá hom gorá foribóu zeddúr fare. → Yían kaanun.

Plan arde hotá báttara hoó

Tuáñrtu hámahá COVID-19 faar hotara ré entezam gorá foribóu tuáñr hamor zagat.

Hamgoróya ókkol óre héfazot rakí bélla tuáñrtu plan ekkán lagibóu, tuáñr hamor zaga ekkán ólla, ziyán ót jisími duré táka, sáf sútura arde sáf gorá cámil asé.

Tuáñr plan asór óla de yían pakka gorí bélla tuáñrtu yó hámahá:

- Maarúf wasáil ókkol óttu ahéri malumat loi taza táko. [Public health directions](#) tuáñr esthéith ót yá therothóit eçe paabondir baabote rul ókkol ar tuáñr hasharbar kisím ór zoruri ókkol cámil asé.
- Toiyar goró tuńí ki goríbélla zodi tuáñr hamor zagat COVID táke.
- Báfo honó noya hótara ókkol ziyán tobdili ókkol óttu uçí aiccé tuńí ham goróde torika loi (mesál. gaák ókkol ór doró bebaár, yá hamgoróya ókkol óre alok gorázar).
- Tuáñr hamgoróya ókkol loi hotá hoó ar tarár hótara ókkol ór baabote báfo.
- Sońijja ókkol óre threnín do ar ekin bano déki fottí zon é zane ki gorá foribóu de.
- [signs and posters](#) óre uor mikká rakó COVID-19 ór hótara ré maincóre yaad gorái díbellá ar kengóri fóila rukíba.

COVID-19 ór fóila ré Rukó

- Tuńí arde tuáñr ham goróya ókkol óttu hámahá gorót táka foribóu zodi tuáñrtu gaat gom noláge (gaat zor, hañc, gola bic ar níañc than).
- Ekin bano déki maincé homas-hom 1.5 mithar jisími duré táki fare.
- Hamgoróya ókkol óre bol do sábu arde faní egaza hát ókkol dúi bellá homas hom 20 sekén yá alkuhól-buniyadi hát senitaizar estemal gorí bélla.
- Hamgoróya ókkol óre bála sáf sútura prethís gorí bélla bol do ar hañc yá háinccaní ré hátor bútoe do.
- Ekin bano déki tuáñr hamor zaga ré baakaida sáf ar fuk marazar. Egaza dóra zadé sót ókkol óre aró bicí sáf goró.
- Zati héfazoti sáman (zeén néki mouza ókkol arde másk ókkol) ham goróya ókkol ólla zodi tarár tu yían lage. Yían óre kengóri estemal goríba tará ré cíko

Nozor Sáani

- Tuáñr plan oré baakaida nozor sáani goró ekin dilai bélla yían ham gorér ar hamgoróya ókkol óre COVID-19 óttu héfazot raikkóum.
- Zodi honó noya hótara ókkol sámme aiyé, sinta goró tuáñrtu aró honó ziyadá bebastá rakí bélla zoruri né.

COVID-19 ar hamor sehét arde héfazot or uore aró maalumát ollá [Safe Work Australia website](#), ot zoo.

Hamor sehét arde héfazot or uore aró hákiki cíth ókkol ólla, [COVID-19 Information in your language website](#), ot zoo.

Sehét ór maalumát ollá, [health.gov.au](#) ot zoo.

Tuáñr háas hamor zagar maalumát ollá meérbánigorí mutalek aséde maincór loi taaluk goró [WHS regulator in your state or territory](#).